

15 Julie 2010

Jaargang 3 – Uitgawe 23

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad



Teken in op e-Hervormer en ontvang elke uitgawe gratis per e-pos!

- Besoek die webwerf by www.hervormer.co.za en klik op die "Teken in"-opsie; of
- stuur 'n e-pos aan karen@nhk.co.za

Stuur 'n e-pos met nuus en berigte aan die redaksie by produksie@nhk.co.za

VOORBLAD

Bring dit hier...

Ons beleef tans 'n tydperk in die Kerk waar daar minder en minder predikante is. Baie gemeentes moet herhaaldelik beroepe uitbring voordat hulle 'n predikant kry. Meer en meer gemeentes kan dit eenvoudig nie bekostig om 'n predikant te betaal nie.

Dit is duidelik dat ons in hierdie tyd as kerk meer kreatief sal moet planne beraam om steeds die evangelie te bly verkondig ten spyte daarvan dat daar tydelik dalk nie 'n predikant in die gemeente beskikbaar is nie. Die vraag wat onmiddellik hieruit voortvloei, is op watter manier die gewone lidmaat in die gemeente verantwoordelikheid kan aanvaar vir die werk van die Kerk.

In Matteus 14: 14-22 lees ons Matteus se vertelling van die eerste vermeerdering van die brood. En in dié vertelling is daar iets waarvan ons in die tye waarin ons leef kennis moet neem. Johannes die Doper is vermoor, en wanneer Jesus dit hoor, gaan hy na 'n afgeleë plek. Wanneer Hy daar kom, is daar egter reeds 'n klomp mense wat vir Hom wag. Hy kry hulle jammer en genees die siekes onder hulle.

Toe dit laat word, stel die dissipels voor dat die mense weggestuur moet word sodat hulle vir hulle kos kan gaan koop in die dorpe. Jesus se reaksie is treffend. Hy leer ons iets wat ons in 2010 ook in die kerk kan onthou. Matteus speel met twee begrippe, met die *daar*, die wêreld, en met die *hier*, die gemeenskap van gelowiges. Dit is nie nodig om die mense na die wêreld te stuur vir kos nie, die geloofsgemeenskap, die *hier*, moet voorsien. Daarom vra Jesus, *maar wat het julle hier?* Die dissipels antwoord Jesus: *Ons het hier net vyf brode en twee visse.* Waarop Jesus reageer: *Bring dit vir My hier.* Jesus het die vyf brode en die twee visse geneem, opgekyk na die hemel en die seën gevra. Die res is geskiedenis: Die skare het geëet en daar het oorgebly.

Die les vir ons? Eenvoudig – ons moet ook besef dat ons 'n verskil kan maak, dat ons, al is daar nie 'n dominee in 'n gemeente nie, steeds gemeente kan wees en die evangelie in ons dorp of stad kan verkondig. Ons moet leer om nie net die heelyd ons oë op die ander, die *daar* (die Kommissie van die Algemene Kerkvergadering, ander gemeentes, die wêreld) gerig te hou nie, dat ons eerder moet kyk na wat ons *hier* het.

Die treffende is dat toe Jesus vir die twaalf gesê het om die brode en vissies *hier na Hom* toe te bring, Hy nie van hulle verwag het om dit te vermeerder nie. Nee, Hy het na die hemel opgekyk en die seën gevra, en God het dit vermeerder. Al wat ons kan doen, is om ons gawes, ons talente, na die Here toe te bring en Hom te vertrou om dit na sy goëddunke te vermeerder. Dit is maklik om koeke en goed te bring vir 'n basaar, maar is ons bereid om **onself, ons gawes en talente** in sy hand te plaas en Hom te vertrou om dit te vermeerder, 'n verskil te maak?

Skakels

Webblad van die Hervormde Kerk www.nhk.co.za

Die Hervormer

e-Hervormer

Indien u nie weer die e-Hervormer wil ontvang nie, klik op www.hervormer.co.za/cancel.html

www.hervormer.co.za

www.hervormer.co.za/e_Hervormer.html

Ds Willem Sauer, Groot Marico



BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhk.co.za te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Fanie Pretorius by 012 322 8885 x256 in dié verband.

Beroep ontvang

- **Ds Johan Koekemoer** van Marble Hall na Zeerust
- **Prop Werner Olivier** (beroepafwagend) na Zimbabwe (deelyds)

PREDIKANTE EN GEMEENTES

- **Ds Gert Roos** is die oggend van Dinsdag 13 Julie oorlede nadat hy lank ernstig siek was. Hy was 92 jaar oud. Die begrafnis vind plaas op Maandag 19 Julie om 11:00 in Gemeente Middelburg, en die diens word gelei deur ds Nicolaas Steenekamp. Ons innige meegevoel gaan aan mev Ans Roos.
- **Ds Herman Gothan** is steeds ernstig en in die hospitaal na sy motorongeluk. Hy ondervind probleme met sy asemhaling. Die Kerk se voorbidding word vir hom gevra.
- **Ds Dawie Jacobs** en sy gesin neem op Sondag 18 Julie afskeid van Gemeente Zwartuggens. Hy het die beroep na Gemeente Lichtenburg-Oos aanvaar.
- **Ds Thomas Dreyer** van Wapadrant en van sy lidmate besoek hierdie naweek die **gemeente in Harare**. Hulle neem kosvoorraad saam en fondse wat ingesamel is om nog voorrade in Harare aan te koop. Ds Dreyer sal die erediens in Harare en in die Laeveld lei.
- **Ds Colin Hertzog, prop Werner Olivier en sy gesin, en dr Fanie Pretorius** het van 8 tot 12 Julie 'n geslaagde besoek gebring aan die **lidmate in Zimbabwe**. Bykans 3 000 km is in die paar dae afgelê. Dit gaan onder omstandighede goed met die lidmate. Kosvoorrade is tans oral in winkels beskikbaar maar peperduur. Die probleem is steeds dat lidmate nie geld het nie. Hier en daar het 'n lidmaat weer 'n werk met 'n karige inkomste gekry. Die meeste van die mense wat werk gekry het, is bejaard, tot so oud as 79 jaar. Minder kosvoorrade word tans na die mense geneem vanweë strenger beheer oor die invoer daarvan. Die kos word in Zimbabwe aangekoop, en vanweë die hoër pryse kan baie minder aangekoop word. Dankie weer eens aan elke gemeente, ring en individu vir finansiële bydraes.
- **Prof Alex Antonites se boek oor evolusie, *Evolution: A theory or fact?*** het pas verskyn. Dit is beskikbaar by Amazon. Bestel dit by <http://www.amazon.com>.
- **Die volgende predikante verjaar in die komende week**, en word hartlik geluk gewens.
 - Vrydag 16 Julie: Di Ronel Eckard (Coligny), Jimmy Manders (Witfontein), Jan Rossouw (Trichardtsfontein) en Piet van Wyk (Sonlandpark)
 - Saterdag 17 Julie: Di Willem Dykema (Bloemfontein), Johan Greyling (Tarlton) en Hannes van der Merwe (Pretoria-Oos)
 - Dinsdag 20 Julie: Ds Mari du Plessis-Manders (Suidoos-Witbank) en dr Gert Volschenk (Nieu-Seeland)
 - Woensdag 21 Julie: Di Hannes Jansen van Rensburg (Brakpan-Harmonie), Coetzee Ras (Edenvale) en Adam Swarts (emeritus)
 - Donderdag 22 Julie: Ds Kalfie Loots (emeritus)
 - Vrydag 23 Julie: Prop Juanita du Preez (beroepafwagend)
- Predikante word versoek om hul **nuwe huweliksregisters** by die bepaalde streekkantoor te gaan aflaai. Neem asseblief u identiteitsdokument saam. Verlede week is 'n skrywe in verband met wysiging by die bevestiging van huwelike deurgegee. Predikante moet asseblief die ou register by die argief inhandig of minstens 'n afskrif daarvan maak en aan die argief besorg. Die meeste kantore dring nie daarop aan om die ou register in te neem nie.
- 'n **Vraelys** oor die behoeftes, probleme en versorging van **bejaardes** sal gemeentes binnekort bereik. Die **Loodskomitee vir Bejaardesorg 2010** en daarna maak op elke gemeente staat om die vraelys so gou moontlik te voltooi en na die adres wat daarop aangedui word, terug te stuur. Elke gemeente word versoek om 'n persoon vir die taak aan te wys sodat daar deurlopende skakeling tussen elke gemeente en die Loodskomitee kan plaasvind. Enige navrae kan aan die voorsitter, **dr Hennie van Deventer**, gerig word by hennie@otmt.org of 082 786 8448.



- **Gemeente Dullstroom** bied vir oorwerkte predikante gratis verblyf vir 'n naweek in die pragtige Dullstroom. In ruil moet hy/sy die Sondagoggend om 10:00 vir die gemeente 'n erediens hou in die historiese ou klipkerkie. Die aanbod sal tussen Julie en Augustus 2010 geldig wees vir enige belangstellende predikante. Kontak Johanna by [nhkdullstroom@yahoo.com](mailto:nhkDullstroom@yahoo.com).
- Alle **vrouelidmate en NHSV takbesture**, sowel as lidmate van die gemeentes, word hartlik uitgenooi om die **2010 streekbyeenkomste** met die tema *Gesinne – daar vir mekaar* by te woon en deel te neem aan die gesprek oor hoe om gesonde gesinne in ons gemeentes te kweek. Tydens die byeenkomste gaan die DVD wat in samewerking met die Algemene Diakensvergadering (ADV) saamgestel is, as vertrekpunt gebruik word. Die byeenkoms dien ook as toerusting aan takbesture en veral vir die takke in 'n streek om inisiatiewe uit te ruil en oplossings vir probleemareas te bespreek. Op **13 en 14 Augustus** kom die streek van Dorsland in Tsumeb bymekaar; op **14 Augustus** Bloemfontein (in Welkom), Vaalrivier (in Rietspruit), Swellendam (in Oudtshoorn) en Oos-Kaap (in Jeffreysbaai); op **21 Augustus** Rustenburg (in Rustenburg-Kloof), Drakensberg (in Newcastle), Pretoria (in Verwoerdburg), Noord-Transvaal (in Oostelike Pietersburg), Wes-Rand (in Noordrand) en Natalkus (in Durban); op **28 Augustus** Wes-Kaap (in Strand), Oos-Rand (in Nigel), Hoëveld (in Premiemryn) en Oos-Transvaal (in Middelburg); op **11 September** Noordwes (in Doringkruin).

Spesiale eredienste en feesnaweke

- **Gemeente Welgelegen-Pietersburg** herdenk op 1 Augustus vanjaar hul **25ste bestaansjaar**. Alle oudlidmate word genooi om hul herinneringe oor die gemeente met die huidige lidmate te deel. Kontak Annatjie Sandrock by 015 295 5464, 072 356 7189 of nhk.welgelegen@absamail.co.za indien u wil saamkuier of om staaltjies/herinneringe oor Welgelegen en sy mense aan te stuur.
- **Gemeente Bloemfontein-Wes** vier vanjaar hul **40ste bestaansjaar** oor die naweke van **13-15 en 20-22 Augustus**. 'n Feesprogram en gedenkalbum word tans saamgestel. Oudlidmate wat die feesvieringe wil bywoon of dokumente, foto's en staaltjies aan die gemeente wil stuur, kan die skriba, Santie Hamman, kontak by 082 829 7468, of die sekretariële beampte, Willemien Bloem, by 083 658 6753. Stuur enige bydrae per e-pos na wilred@telkomsa.net of ljstrauss@lantic.net.

Konserte en dames- en mannebyeenkomste

- **Vrydag 16 Julie: La Diva CD-vrystelling**
Lemon Jack-teater, Raslouw
Bring eie wyn of koop daar La Diva se rooiwyn
Kontak Nelmarie Naudé (ds Fanie Naudé se dogter) by 072 436 0450
- **Saterdag 31 Julie: Gemeente Bronkhorstspuit damesoggend**
Gasspreker Lynette Wilsenach
Tema: *Leef voluit!*
R50 per persoon
Skakel 013 932 2929 vir meer besonderhede
- **Vrydag 27 Augustus: Gemeente Krugersdorp-Noord jaarlikse musiekfees**
F # koor onder leiding van Attie Rossouw, en koor van Hoërskool Noordheuwel
Orreluitvoering deur Willem Luitingh (begeleier van Black Tie Ensemble)
Dwarsfluitspeler Melissa Hall, verskeie soliste en 'n instrumentele ensemble
R50 per persoon
Kontak ds Johan of Marita Fourie by 011 953 1402 of 072 278 1456
- **Sondag 31 Oktober: Gemeente Kemptonpark-Oos ONBESKAAMD**
R25 per persoon
Groepe van 20 of meer, R20 per persoon
Kontak Anneline by 082 924 7344 om te bespreek

Kampe en toere

- **27 September tot 1 Oktober: Ondersteuningsraadkamp**
Koste R750 per kind
Kontak Suzanne van Deventer by oraad@telkomsa.net, 012 325 2320 of 071 684 7789 om 'n kind te borg



Sportbyeenkomste en -kompetisies

- **Gemeente Sionspoort: Fietswedren Saterdag 14 Augustus**
Oor 120 of 58 km (pad) en 50 of 23 km (bergfiets)
Skakel Johan van Staden by 082 464 1547
Besoek www.sionspoort.org vir meer inligting

Ander kompetisies en fondsinsamelings

- **Gemeente Ottosdal: Afrikaanse sangkompetisie Saterdag 31 Julie**
Aspirantsangers tussen 13 en 23 jaar, wen R3 000, R1 500 of R500
Sluitingsdatum vir inskrywings **Vrydag 16 Julie**
Navrae aan Adri Botha by 082 403 5051
- **Gemeente Vanderbijlpark-Suid: Jagpakket sluit 16 Julie**
Wen wild ter waarde van R6 000 en verblyf
R50 inskrywingsgeld (inskrywingsvorm by info@nhksuid.co.za)
Kontak Anneline Grey by 016 932 2744 (kantoorure) of info@nhksuid.co.za
- **Gemeente Benoryn (Benoni): Wynproe Vrydag 30 Julie 18:30**
Kom proe wyne van Vredenheim wat gewoonlik net uitgevoer word
Ontmoet die wynmaker!
R180 per persoon (sluit proewyne en driegangmaaltyd in)
Kontak ds Marlize Gasson by 072 117 0317
- **Gemeente Erasmia: Jaarlikse Bybelstap Saterdag 14 Augustus**
Voortrekkermonument
Registrasie vanaf 07:00, stap begin om 08:00
Ook 'n roete vir bergfietse
R35 per persoon
Navrae aan Isme Dalton by 012 370 3513 of 082 962 2870
- **Gemeente Roedtan: Buffeljagkompetisie trekking 14 Augustus**
R50 per kaartjie
1ste prys: Buffelkoei, 2 blouwildebeeste, koedoe, blesbok, rooibok en akkommodasie vir 10 vir vier dae
2de prys: Voëljag en akkommodasie vir 10 vir twee dae
Kontak ds Thys Redelinghuys by 082 416 7724, faks 0865 189 110, of jagkompetisie@gmail.com
Bankrekening: Absa Spaar; takkode 632 005; rekeningnommer 924 227 4630
- **Gemeente Bloemfontein: Drienasies in Bloemfontein Saterdag 4 September (Bokke teen Australië)**
Teen donasie van R3 000 (waarde van pakket R10 000, insluitend groot fotocollage van die wedstryd en jy en jou vriende op die pawiljoen)
Wen 10 sitplekke op die hoofpawiljoen in die middel
Slegs 15 lootjies sal verkoop word!
Sluitingsdatum **27 Augustus om 09:00**
Gelukkige wenner van die 10 kaartjies sal om 09:30 in kennis gestel word
- **Gemeente Premiermyn: Wen 'n Ford Bantam-bakkie**
Slegs R100
Wenner bekendgemaak op **17 September** se NHSV-kuieraand
Kontak Piet by 083 230 1135
- **Gemeentes Hartbeesfontein en Gerdau: Wen 'n boerdery**
Gemeentes koop pakket(te) teen R5 000 elk
Pakket bestaan uit 50 boekies met 11 kaartjies elk teen R100 per kaartjie
10 kaartjies word verkoop teen R100 stuk
11de kaartjie word geskenk aan persoon wat boekie verkoop het
U gemeente kan dus R50 000 insamel
1ste prys: 10 verse + 1 bul of R45 000 kontant
2de prys: 10 ooie + 1 ram of R10 000 kontant
3de prys: 1 week vakansie aan Natalse Suidkus
4de prys: 1 slagos of R4 000 kontant
5de prys: 1 slagskaap of R1 000 kontant



Sluitingsdatum **4 April 2011**, trekking 8 Mei 2011
Kontak Barry of Martie Pretorius by 018 431 0331 of 082 572 2124
of Piet en Babsie Ferreira by 018 431 0685
of ds Petrus Harmzen by 082 777 4253

- **Gemeente Derdepoort: Vleis**
Wildswors R38 per kg en wildsvleissalami's R100 elk
Boerewors, maaltvleis en kookvleis ook beskikbaar
Skakel ds Peet Swanepoel by 072 372 6933 of 012 800 2402 om te bestel
- **Gemeente Derdepoort: Sonkrag**
Vervang geisers met sonkragtoestelle
Kontak ds Peet Swanepoel by 072 372 6933 of 012 800 2402
- **Gemeente Derdepoort: Barmhartigheidsprojek**
Donasies benodig van blikkieskos, niebederfbare kos, klere en breekgoed
Sal dit kom haal!
Skakel ds Peet Swanepoel by 072 372 6933 of 012 800 2402

Basaars en markte

- **Einde Julie: Bulawayo**
15 gesinne
Benodig koekmeel, suiker en enigiets wat by 'n basaar verkoop kan word
Moenie te groot wees om na Zimbabwe te vervoer nie
Geldelike bydraes ook welkom
Kontak dr Fanie Pretorius by 012 322 8885 x256 of fanie@nhk.co.za
- **Vrydag 30 Julie tot Sondag 1 Augustus: Gemeente Buffelspoort Buffelfees**
ATKV Buffelspoort (Mooinooi)
Burger le Roux (wenner Supersterre 2010), Jennifer Zamudio, Guillaume en Staalraad
Bergwedloop oor 5, 10 en 15 km
Kunsmarkstalletjies en baie vermaak
Kontak ds Neels van Tonder by 072 633 3367 of nvtonder@vodamail.co.za
- **Vrydag 30 tot Saterdag 31 Julie: Gemeente Premiermyn Warmwinterfees**
Zonderwaterweg, Cullinan (R515)
Smulkos, pretvermaak vir kinders, vlooiemark en veiling
Navrae aan Alta by 082 682 1252, Annetjie by 082 921 8200 of Piet by 083 230 1135
- **Saterdag 31 Julie: Gemeente Gaborone Biltong- en Potfees**
Molkey Sport/Duma FM-terrein langs westelike verbypad (A1) by Phakalane (Gaborone)
Met Manuel Escorcio
Van 09:00 af, en bou op tot vroege potjiekoskompetisie en ete
Baie aktiwiteite en stalletjies, heerlike kosse en mooi produkte
Meer as 'n ton se bees- en wildsbiltong, beste kwaliteit vleissnitte teen weggeepryse, sosaties, boerewors in twee soorte, *Savuti* en *Kereke* – lekkerste in Botswana!
Buite-uitstallers welkom
Ontbytsake se kookboek aangebied
Kontak ds Marthinus van Staden by 00267 713 07197 of mvansta@xsinet.co.za
of Riaan van Vuuren by 00267 716 61201 of riaan@home.co.bw
Besoek www.nhgaborone.org
- **Saterdag 31 Julie: Ring van Middelburg Groot 5-basaar van Klein 5-gemeentes**
Wors, wildsvleis, gebak, handwerk en meer
By Gemeente Middelburg, hv Bhimy Domane- en Lilian Ngoyistraat
Kontak Elsa van Dyk by 013 243 3949, 082 700 2425 of nhkmid@gmail.com
of Annelien Janse van Rensburg by 082 452 6042
- **Saterdag 21 Augustus: Gemeente Bronkhorstspruit geskenkemark**
Stalletjies beskikbaar teen R150 elk
Skakel 013 923 2929 vir meer besonderhede



- **Saterdag 4 September: Gemeente Welgelegen-Pietersburg basaar**
Kontak Annatjie Sandrock by 015 295 5464 of nhk.welgelegen@absamail.co.za
- **Saterdag 11 September: Gemeente Meyerspark Stoepsittersfees**
Fondsinsameling vir blanke plakkerskampe in Pretoria
Wen 'n 1.3 Ford Bantam-bakkie vir R250
Kontak Fred Paynter by 083 226 8299 of mwpaynt@mweb.co.za
of die skriba, Simon Kotze, by nhmeyerspark@lantic.net

ANDER NUUS

- Die **Moderamen** voer op **22 Julie** gesprek met dr Flip Loots oor moontlikhede rondom die uitsaai van eredienste op RSG en die toerusting van predikante wat bereid is om eredienste uit te saai. Verskeie ander sake en gesprekke sal tydens 'n dag lange vergadering deur die Moderamen hanteer word.
- Die **Ondersteuningsraad** het vakatures by Heidelberg, Krugersdorp en Witbank vir **Afrikaanssprekende maatskaplike werkers**, en 'n vakature vir 'n **programbestuurder** in die Oos-Randstreek (Brakpan, Elsburg, Kemptonpark en Johannesburg). Navrae kan gerig word aan mev Mariaan Steenkamp, uitvoerende direkteur van die Ondersteuningsraad, by 012 322 8885 x290, faks 012 322 5787, of mariaans@nhk.co.za.
- Diakonale Pleegsorg (DPS). **Vakature vir pleegouers in die DPS-huis Rustenburg**. Datum van diensaanvaarding Desember 2010 maar nie later nie as 1 Januarie 2011. **Aansoeke sluit op 13 Augustus 2010**. Getroude egpaar, verkieslik tussen 40 en 55 jaar oud, lidmate van die Hervormde Kerk, goeie gesondheid en 'n aanvoeling vir kinders. Suksesvolle ouers sal, benewens 'n maandelikse kontantvergoeding en mediese voordele, gratis inwoning in die DPS-huis ontvang. Kontak dr Koos Engelbrecht by 012 322 8885 (w) of 079 884 2880.
- **Geleentheidsverblyf**. Ons Tuis, geleë in Riviera, Pretoria, bied aan ouer selfstandige lidmate van die Hervormde Kerk tydelike verblyf in goed toegeruste wooneenhede terwyl die familie by wie hulle inwoon binne- of buitelandse vir vakansie of sakedoeleindes moet reis. R550 per dag vir twee persone wat deel en R350 enkel – sluit drie etes in, alhoewel die eenhede met volle kombuisgeriewe, breekware en tafelgerei ingerig is. Hierdie verblyf op dieselfde voorwaardes is ook beskikbaar vir besoekende predikante, kerkraadslede en lede van die NHSV. Navrae kan gerig word aan Elize Mans by otbestuur@otmt.org of tydens kantoorure by 012 329 3623.
- **Nasionale konferensie oor geweld**
Sentrum vir Publieke Teologie, Fakulteit Teologie, Universiteit van Pretoria
Violence in the democratic South Africa: A challenge to theology and the churches
Dinsdag 10 tot Donderdag 12 Augustus
Sanlam-ouditorium, Konferensiesentrum, hoofkampus UP
R250 vir hele konferensie, R125 vir een dag
Kontak mev Daleen Kotzé by 012 420 2348 of daleen.kotze@up.ac.za (tot 30 Julie)
of Cobus van Wyngaard by cobusvw@gmail.com
- **Kongres oor transendensie**
Unisa se Navorsingsinstituut vir Teologie en Religie
Donderdag 2 tot Vrydag 3 September
Unisa se Sunnyside-kampus
R250
Bespreek deur e-pos te stuur na phukumlm@unisa.ac.za
Skakel me Nonnie Fouché by 012 429 4470 of me Phukuile by 012 429 4369
- Die **volgende vergaderings** vind in die komende week plaas. Betrokkes moet hulself asseblief vergewis van die korrekte vergaderings- en lokale.
 - Maandag 19 Julie: Redaksie van die *Almanak*
 - Donderdag 22 Julie: Moderamen; Ons Tuis Bestuurskomitee
 - Vrydag 23 Julie: Die Ondersteuningsraad se Finkom



KOMMENTAAR

“Ek wil graag ’n versoek rig dat u asseblief die gemeentes byvoeg agter die name van die predikante wat verjaar. Dankie vir die moeite wat u weekliks doen.”

Neill Kelder

“Kan u asseblief volgende keer, voordat ’n berig geplaas word, net sekermaak dat die lesers verstaan waaroor die berig gaan? Ek as leek wat geen teologiese agtergrond het nie, moes op die internet gaan soek om uit te vind wat die woord *transendensie* beteken. Daar was geen verklaring daarvoor nie, waarna ek my tot die verklarende woordeboek (HAT) gewend het. Hier was die verklaring *bo die sinnelike uitreik, die grense van ervaring oorskry, onkenbaar, onvatbaar*. Nog steeds wil ek graag weet wat dit in die konteks van my geloof in die Goddelike Drie-eenheid vir my beteken. Ek wil ’n beroep op die redaksie doen om in die taal van die man op straat te skryf (in verstaanbare Afrikaans), aangesien nie almal oor die HAT beskik nie.”

Johan Viljoen, Gemeente Lichtenburg-Oos

AGTERBLAD

SENTIK-boekwinkel

Die volgende boeke kan nou bestel word van die SENTIK-boekwinkel.

- 21 maniere om jou huwelik te verwoes (Ewald en Beatrix van Rensburg) R100
- Aan my Vader se voete (Stephan Joubert) R120
- Die Bybel in Praktyk R300
- Die Bybellennium. ’n Eenvolume Kommentaar (Fika J van Rensburg en Marius Nel) R400
- Dit is amper dag (Jaap Durand) R70
- Ontdek jousef voor God (Braam en Mariette Hanekom) R100
- Wie sê julle is Ek? (Jan van der Watt) R90

In alle gevalle is posgeld uitgesluit. Bestel by mev Susann van Zyl, 012 322 8885 x291, faks 012 322 7906 of sentik@nhk.co.za.

Daar is ook ’n volledige weergawe (met foto’s) van hierdie nuusbrieff beskikbaar, wat gewoonlik ongeveer 400-500 KB groot is. Vind dié volledige weergawe by www.hervormer.co.za, of stuur ’n versoek na karen@nhk.co.za om dit weekliks te ontvang.